

養
一
齋
詩
集

養一齋詩集卷第六

武進李兆洛

別集

講院荷觴圖記

予主講暨陽于院中憫地徧栽花草春秋佳日巡徑取
歡院西南隅之垣外有方塘畝許蘆葦之垣積草蕪叢
翳不可近予乃葺其垣而環之拓院墻結松亭以臨池
上芟榛莽鋤葭荻蒔以荷花比夏盛發具飲招客范石
湖吳郡志吳中歲以六月廿四日遊荷花蕩畫舫雲集

一緝柳編以是日爲觀蓮節而流俗至今猶以是日爲
荷花生日焉說雖誕俗可因也集者三十餘人成詩者
十有餘人各依其韻酬焉旣罷張君懷白復爲寫圖而
記之是歲道光之五年也

戲仿宋人樂語代荷花致語以答樂神之詞

天半雲霞慣見研牋金彩後堂絲竹微聞錦樹笙韶偶
然蟬蛻分君子之末光得與蘭蒲充美人於下乘願卷
瀟湘夜雨以陪桃李春風恭惟執事引露青柯倚雲紅
杏懷印陳芳國裡生身華鬢宮中獨含清氣于蓀荃不

素粗才於葑菲紫微覆苑依然畫省之香綠桂當門便是
廣寒之窟當夫榴炎耀夏槿靜熙晨清披柳下之風酸熟
梅間之雨蕉心遞轉魚樂潛知聽牽絲于玉虎幾度輕雷
報漏箭于銅龍頻番初日正千英之競茁條一葉之先驚
芳菲菲兮滿堂時藹藹兮將罷遂乃招邀荷杜點勘查梨
漉桑膠于葛巾涕椒醕于茅盞杯酌癭藤之真率尊浮石
瓠以徜徉玉山未頽金縷欲闌九層臺下聞香則四座無
言七寶池頭援筆而萬花俱放某才謝天然劣能解語辱
在泥塗託廡門而結屋好此奇服

願在衣而爲裳西賓東主方游戲于翰墨之塲北渚南
洲助藻續於波瀾之表擎碧筒而進酒攘皓腕以通辭
舞衫非柘頗自艷其紅裙歌日非櫻雅循腔於綠水敢
抒微意謹薦初筵

夏永曦

煒如

樂神詞

鼉嗽出兮鼉臙敞貝闕兮開珠宮望美人兮延佇勞
予心之憊憊予扈芷兮樹蕙哀瓊珮兮蔽薏獨朝華
兮夕攬翳峻茂兮可待與予兮成言謝靈修兮不譽
羌翩翩兮旣來又容與兮若還霄氣顙兮一碧風從

從兮波瑟瑟睽佳期兮連蹇懷君子兮私自憐願微
波兮通辭芬清遠兮無言桂何事兮長生豈何爲兮
蠲忿苟厥美兮在予亦何取乎偃蹇秋風兮依依秋
露兮未晞隔復隔兮天一方杳復杳兮予所思若抑
兮若揚騰颺輪兮紛並馳蕤壁兮蕙廡襍椒漿兮桂
醕文鴛翩兮交舞靈之來兮如雨滿堂兮芳菲侍漢
女兮從江婁歲旣晏兮安歸惟好修以爲常兮願若
令兮無虧

酬蕭子滂

以歸

與花同住水雲鄉
白首如新此一觴
芳國是誰稽誕日
酒懷聊爾趁初涼
天催舊侶添詩興
風送歸舟念路長
絕笑池邊松葉屋
那勝湖上鄂君航

原韻

一帆才喜返江鄉
聽說鱣堂薦壽觴
料得名花增舊句
恰逢好雨送新涼
依來野水栽培久
開到秋風氣味長
回首西湖分袂處
凌波還憶采蓮航

酬蕭子蒼

以霏

仄徑疎籬小沼邊
招要一縷煮茶煙
羨君才思爭花發

舌本先開五色蓮

原韻

亭亭翠蓋倚溪邊
半畝清香破曉煙
花亦如人增壽相
說詩頗解李青蓮

酬祝子常聘君

百十

開池種紅蓮
蓮生水淪漣
池水清若泚
蓮葉淨成田
葉多增我想
花開滿予望
見花如見君
一見一相賞
花開既有時
花生豈無日
邀君一杯酒
酬我幾詩筆
吟花代花語
君詩一何苦
不聞歡笑聲
但把秋期數
賤子請一

言有花必有果既不染汙泥清冷固所可無以慰君苦
聊當報君詩覽詩三歎息且復進一卮

原韻

池中可採蓮池水清且漣蓮衣何瑟瑟蓮葉何田田
看花須及早無花但遙想坐花與花約吟花共花賞
六月二十四蓮花之生日請奉一瓣香請試五色筆
蓮花嬌欲語似說心中苦一葉已驚秋萬朵何須數
主人羅酒衆嘉肴備菱果花亦聖之時無可無不可
昨日又好雨催我題新詩聊當陳菲意可以勸金卮

酬劉彭甫

銓

娥娥紅粉粧颯颯水風涼
水底眠非井風前醉有鄉
酒能多且肯花合壽而昌
君莫尋根據酩酊孰漢唐

原韻

翠蓋擁紅粧松棚坐早涼
何來文字飲偏到水雲鄉
視笑齊人野詩欺孟氏昌
頭童吾與汝得醉且荒唐

酬季仙九

池躍姬隅架構松厂披蘅蕪
片石可掃筵可敷

听夕獨對心躊躇吾友濯濯皆新芙好花好友真相須
試門邢尹誰尤殊尋蓮等藕風所圖却訝仙骨何緣腴
狗知感惠花之愚朝來滿鏡紅雲鋪光與華渚流虹俱
是日廿四開廣座花如迎人客如妥道是花辰花意可
細果薄漿不嫌瑣莫言轉眼西風來葉間魚戲方悠哉
洗鐺敲火撥竈煤寧倒玉山無恥疊多謝好花稱私祝
多謝好詩飽吟讀是詩是花吾眼福

原韻

連朝快雨驅煩熱驕陽無威陣雲密自從佳節號觀

蓮菡萏生辰說今日蓉江講院西南隅舊時射圃荆
榛蕪青蓮仙人住三載生花筆暇增踟躕叔孫所館
墻屋葺王猷到處賃簪敷闢萊築垣濬池沼滿蒔碧
藕期紅芙荷花有神笑欲語孰主張是殷相須世間
往往自爲計蛙鳴動覺官私殊平泉草木偶然耳與
守乃爲孫子圖公田秣稻驛舍柳誰肯培護成華腴
今年不獲種花效他人將哂移山愚天機火急織雲
錦皎鏡彌望皆平鋪始知卉物有深意激發要與精
神俱池頭日日對花坐藤架松棚陰帖妥百花朝後

此花發選客稱觴無不可
鄒家碧筒徒翕張清樾金
厄嫌細瑣井梧葉落秋風來
眼前香粉何有哉壽花
兼壽賞花客憑仗畫手研松煤
生綃一幅足千載此
會庶不虛尊壘再拜殷勤向花祝
文字之祥其可讀
白雞黑菽媚竈神豈若年年介花福

酬喬筠客廣文

鑿翠新開射鳴塘暗香來處自清涼
不勞濡足尋江渚
可合傾尊酬衆芳

豆棚瓜架半沿溪
火棗冰桃列案齊
一幅瑤池金碧畫

玫瑰滿嵌吹琉璃

翠旌敢望越人舟
鷺白鷗閒總勝流
如水年華須愛惜
未曾餞夏已迎秋

百花誕降不分明
只有夫君雅著聲
却待他時裝八寶
九蓮臺下証無生

原韻

講院西南數畝塘
芙蕖淨植水雲涼
花時筵賞稱花
壽碧柳含風酒鮮芳

缺瓜艇子汎清溪
橋界蓮花葉葉齊
挈鷺盟鷗介菴

三才圖會
卷之六
社流霞醞酌碧玻璃

湖上才歸潁士舟欣逢藝苑集名流
門牆桃李栽多遍一曲瑤池醉嫩秋

風環水珮曳無聲
昕夕銖衣照眼明
差幸托根清淨土
前身金粟佛同生

酬姚餘圃明府

備

我有一尊酒持觴萬柄荷
偏慳使君飲空對朱顏酡
氣得新爽幽情儔永和
舉洲悅今夕竊附榜人歌

原韻

桃李已千樹清心愛及荷主人情太熱坐客頗先酤
池上疑香久胸前養氣和納涼宜此地來續采蓮歌

酬劉春江

濟

小池非廣亦非深咫尺空明襯碧陰一笑凌波君肯顧
十年種樹我何心借他三日紅雲宴贏得千篇淥水吟
轉眼桂花香便發相邀携酒更重尋

原韻

芙蓉塘外曉雲深松葉棚邊赤日陰香界儘招稱壽
客酒杯不負種花心安排金粉歸新畫檢點煙霞付

醉吟始信濂溪擅真愛風流道學兩堪尋

酬祝藝舫

陸芸

前身疑佛復疑仙那與椿靈計少年龍象祇今歸法座
松偓且喜共長筵大雲暫作新涼蔭初日應爭好句鮮
渴類不沾尋妙諦養根一勺是清泉

原韻

翩翩神降華峯仙十丈花開那計年秋水鏡中差好
相春風座上作華筵詞填綠意明霞擁岸侑紅腴晚
日鮮料得花如君子壽瓣香長此祝平泉

酬祝賡殿登埤

華頂如聞十丈蓮此生拄杖想無緣
賃來池沼尋常甚也自開花會衆仙

香雲如霧水如烟千葉蓮臺願海邊
一瓣便堪航寶筏與君試說上乘禪

笑口何須更問天麗詞爭寫衍波箋
好名絕笑濂溪說那有名花待我傳

翠羽明璫倚綠幘一時低首拜筵前
人生那得如花壽攜手看他更幾年

原韻

先生彩筆世青蓮
會與名花契夙緣
半畝陂塘君子室
稱觴今日擬羣仙

瑟瑟朱華破曉煙
鱸堂如接綺霞邊
從今價附龍門重
輩學風流白社禪

水面文章鏡裡天
酒闌座上欲分箋
擅場更有僧繇筆
花比耆英洛下傳

雙星未駕彩雲軒
瓜果先陳碧沼前
花壽好符人壽永
叨陪卮酒願年年

酬薛志安

振鐻

的皪見新蕖低徊曉露餘都無名士氣如與善人居綠
水看雙映纖雲亦四除客來成靜賞相對各脩如
此時無一盞辜負好花開翻以驚秋意稱茲介壽杯
蒲多伴侶菱苕足臺陪三復伊人句天涯不乏才

原韻

闢沼藝芙蕖濂溪興有餘花宜君子愛香接聖人居
雨過微涼納風清俗慮除羣賢欣畢至依幕意何如
紅艷參差發瓊筵次第開桐飄金井葉酒試碧筒杯

鹿洞風堪仰龍門宴許陪天然好詩句愧乏謝家才
再酬祝子常倒押其韻

興來忘主客各盡金屈卮一奏水仙操再歌采葛詩前
筵稱花壽茲筵餞花可花意亦流連欲去尙未果閒將
藕孔穿更把蓮鬚數劍仁棄其薏得甘那知苦說詩無
害辭寫貌不在筆行樂及時耳晴雨任茲日得酒已經
醉况有花堪賞朝朝花朝朝非想非非想要想花常開
除是海成田慚愧白頭顧照此清且漣

原韻

可憐池中蓮雨珠如淚漣紅衣俱怛化綠波成水田
曰雨曰暘時意外意中想同是看花心僥倖及時賞
今年非及時明年又生日鑑彼畫師畫勞我筆冢筆
蓮花能解語笑我吟詩苦日月有弦望榮落難悉數
蓮花本僊胎蓮子非凡果前會旣已佳餘興亦自可
有酒復有友一詩復一詩無辜主人意用酬今日卮
謝周石芳先生惠閩中鮮荔支

金花蠻盒翠花瓷珍果擎來喜可知此日得分紅一品
自天同挹露三危馨香道遠猶能致國色朝酣恰正宜

卷一 名二
荔支致遠每漬以密此漬以酒幾輩丐公膏馥在拜嘉
慚愧擅恩私

此味尋常幾輩諳嶺雲容易墮江南分無妃子紅塵笑
便作坡公廐卒甘蘇詩引惠州東堂荔支大熟嘗取之
條下逮吏卒一口恰符題盒巧衆狙未許賦芋貪憑教
漱齒餘芳沁索句生香也合堪

兩載珠江瞰荔支都無一首荔支詩却從發匱飢盤處
回憶風香露綻時黯黯乍憐銷絳雪瑩瑩猶是抱疑脂
便疑身在朱明洞口嚼紅霞拜紫帥

代暨陽書院生徒謝賜鮮荔支用東坡初食荔支

韻

忽然笑口低胡盧得爾嘉貺腸迴枯奇苞到眼已殊異
查梨櫟栗敢並驅請解薄襟弛複襦不可逼視光生膚
怪底太真酷耽此果中此亦絕代姝絕代姝天下無何
爲乃墮江之隅逡巡再拜捧而立幾欲到口嫌口粗驅
龍此時正行雨領下摘得徑寸珠吾道貴希復貴損得
一示我至味腴侍郎方分大官蔗先生自飽秋風鱸緋
袍銀印不足道高會與繪羣仙圖

用東坡劉蠡撫句蜜漬荔支韻

乍聞名處指先動未喫牙時口已香苞暈火珠肌琢玉
桃凝絳雪蔕融霜得逢永樂一枚棗便勝藍橋十斛漿
自愧非葑奚足採無私化雨也親嘗

用白香山荔支樓對雨韻

聞說仙人十八娘絳綃細裹玉生香蓬山遙望如天上
不是神仙那合嘗

忽漫傾盤見朱顙未經問味已聞香拜嘉先供先生饌
次第還教弟子嘗

色方盧橘應輸艷味比蒲萄却更香從此誇人有仙骨
仙苞曾許一枚嘗

用東坡廉州龍眼可敵荔枝詩韻

曾聞果有精亦如香有祖不嘗綏山桃得謂知味否吾
儕坐春風何異列瀛圃塗梨并嶮棗芳潤倍醅乳分甘
逮篚筐遠貢自漳浦聞香悟無隱在口竊心數所貴瑩
神魂豈云侈樽俎西施敢唐突宰我定非汙

用東坡次韻曾仲錫承議食蜜漬生荔枝韻

渡江不是楚王萍荔碧天邊隕火星餉客分題成韻事

蕙公白傳有儀刑非緣式燕將珍篚安得飛車跨大溟
一首新詩愧邀寵拾香終擬續圖經

用東坡食荔支韻

星辰霄漢上絲竹絳帷旁灌頂分甘露承篚是玉漿譜
從忠惠出名待叔師揚賦詠誰當繼低徊白侍郎

擬補荔支香曲用東坡荔支歎韻

驪宮新撥昆明灰花下羯鼓蓼蓼催橫門道邊雙隻猴
日久萬方筐篚來就中奇尤產瀛海安期童女絲籠採
珊瑚火齊江妃擎不比瓜瓠橐駝載窮炎州極巴涪綬

桃羨棗邀仙遊孽丹子無纖瘡玉魚龍扇同爲瑞嬌紅
一捻牡丹芽新剝雞頭膩不加香透歌喉涼心腑解煩
笑煞鳳團茶祇今遺聲安在耶帝王那及儒生家分甘
遠道不嫌少口香自吐青蓮花

用白香山重寄荔支與楊使君韻

瑤池曾說桃如卵華頂兼聞藕似船那及閩中生荔子
解從嶠外致時鮮海山仙子不辭遠萃鹿嘉賓還見憐
一顆一詩真負愧願因懷核頌長年

步東坡食荔支第二首韻

儘叨茂叔座中春道味朝朝領畧新拈出袖中東海果
頓疑身是御風人

瓊漿釀出百花春濺齒奇香久尙新始信文章寬似海
殘膏猶丐幾多人

粗粗桃李也知春各自懷芳解鬪新一醺一枝憐白傅
當時同賞竟無人

用白香山題郡中荔支韻

旌節花當檠文章草繞堂冰壺懸皎潔絳帳敞輝煌滿
院雲亭午千章樹覆牆蒿苹賡小雅桃李藉餘光丹荔

殊方至奇苞別樣妝盤看盛瑪瑙酒合漬杭榔褪紫初
皴殼凝脂尙綻房裁綃全裹雪搓玉細分瓢已慰聞聲
想還教盟手嘗幾人能別味一瓣許沾香爽似柑含露
清於柿有霜剖分殊紫芋滴瀝總瓊漿便覺仙山近何
愁大海茫新篇繙李杜舊譜辨陳方善護真堪感經旬
了不傷司空見應慣夫子意何長勝賞芙蓉邈詩情雲
水鄉雞冠兼鶴頂刻畫愧冬郎

用劉貢父荔支詩韻

丹寶盛來赤玉盤苞疑火熱骨冰寒蜜搓露滴殷勤味

白瘦紅消子細看多謝筐筐能護惜及他香色未闌殘
會生羽翼凌蓬閣絕勝仙人藥一丸

步劉貢父詩韻

離枝南荒奇襍采絢朱綠其品淳以真厥味甜不熟固
宜不脛走流聲滿華屋珍重承筐心一顆比尺玉物尤
罕彌貴欲寡廉所足獲與私欣欣懷此心促促當年曲
江公深嘆不知辱以之蔡端明辛苦譜題目偉哉憐才
意榮造逮草木不然扶荔宮徒伴大宛舊宗師今曲江
漏澤盡滋漉譬如傾醍醐甘美永思服漱潤意頗豪拈

毫手還縮安得最神筆一語空蕪族

步杜工部解悶後三首韻

盈盈猶是露凝枝嶺嶠移來路邈迤料是人間有同嗜
漫云至味鮮能知

幾勞登頓傳將至幾醞靈華結得成一十四人參位業
手持丹願拜先生

正是仁風扇菰蒲何時身入長房壺報恩那得蒲萄錦
蘇夢聊充藥餌須

予願作步家大人謝賜第二首韻

便似紅雲盛宴諳謝施奚啻報雙南深華更比詩人
麗若渴真如說土甘種核十年良未易題緘三百豈
非貪幸隨輩學偕童冠繼咏春風恐不堪

養一齋詩集卷第六

養一齋詩集卷第七

武進李兆洛

詩餘

水龍吟荷花

天然翠袖紅裳泥他侍我琴尊
畔霓旌亂舞珠盤欲瀉
雨餘閒館最是頻年蕉流甘乳
柳垂青眼更籠來玉羽
泛將銀殼倍添得煙波滿
可似明河清淺恁攀條淚
痕低泣越姬船杳房空紅粉又
撩秋怨多謝吟蛩喚醒
鴛夢回頭天遠趁而今覓藕尋
蓮博得花前相見

齊天樂 前題

竹欏瑣碎蕉旗定筭來無計銷暑汲取寒漿展成冰鏡
不要絲牽玉虎飄飄袂舉任紫鳳放嬌赤鱗狂舞藻密
萍圓一汀難得聚鷗鷺花房又看粉墮買秋宜此地
莫道歸去水底眠來玉山頽却正有醉鄉佳處花神儘
許道麴陣爲雲歌珠當雨喚取紅兒按腔填樂句

疎影

懷人歲暮弔影茫然適得碩甫書兼寄題倚杖
數歸鴉照疎影一闋感而賦此卽用原韻

都無故物但斜陽立盡獨自淒絕但見飛開不見飛還
知他何處棲息能還便自尋儔侶也不是舊時鄉國怎
無端十里連林幾夜霜華鋪白 曾是同林並翅而今
生共死一樣愁寂數遍空枝也沒巢痕剩有數張殘葉
天涯夢斷歸難盼枉說健飛雙翼又茫茫日迫崦嵫教
我如何等得

沁園春

題季仙九詩稿卽送北士

有美一人清揚宛兮仙乎仙乎看挑殘秋露麻姑鳥爪
融成春水姑射冰膚月唾濃華風簫幽咽瓊佩璫璫俯

身一
言
一
卷
一
仰殊難消受凌雲一笑暫轉青臚 也知圖畫難如怎
便說人間十斛珠早殷勤鈿合訴將心事安排金屋深
護嬌姝有意求漿無端竊藥碧海青天忍得無長懸盼
盼流紅一葉分付雙魚

菩薩蠻

越羅掩歛無重數夫容和露搓香蕊窗外曉雲殘黛眉
臨遠山 尋花雙鳳子覓偏珍叢底花影限紅牆飄殘
半縷香

無端紫鳳嬌銜佩葳蕤不解香羅帶深幕可憐宵濃春

荳蔻梢 金蟲閒未燼 慵倚屏山影 倭墮綠雲斜未妨
雙臉霞

畫眉樓畔花如霰 疏香飛上參差繭 翠羽暗低迷語長
人未知 金箋新研玉鈿局 敲雙陸 複袖錦鴛鴦 經年
繡一雙

海棠低護行雲徑 畫樓西畔分明影 不爲見時難忍扶
羅袖看 撩人回面語 顫裊釵翹舞 花氣泛紅螺 橫飛
出綫蛾

簾前細鳥沉烟紫 隔簾柳絮飄香砌 蛛縷戀殘魂 搖搖

更不禁
玉簫吹未徹
垂手還凝立
不覺月痕西
下簾
霜滿衣

江城子

次陸祁生韻

一聲羌管奏西涼
立迴廊
看長江
可惜寒花瑱碎不成
香向晚
斷鴻飛越緊
天上路幾多長
年來
去住與誰
商
漫逢場逞容光
匣裡寶琴如水劍如霜
咫尺白沙洲
畔宅
迴短棹向襄陽

長亭怨

題梅影菴樂府

只一片蕪臯蘅薄
甚處重尋綉簾香閣
縷縷愁痕
花名

又記小屏錄無端殘夢有綵筆重新續消受幾春風怎
說是韶華匆促念當日參橫斗轉唱斷玉龍哀曲咽
啾翠羽祇戀著雙飛雙宿卻不道葉墮巢空儘長占碎
紅零綠問江上夫容可怨年年開落

養一齋詩集卷第七

養一齋詩集卷第八

武進李兆洛

補遺

江陰人士頗喜莖菊每過重陽輒爲訪菊之遊亦
時時有銜杯之樂今年已立冬此事寥寥砌下
數花憔悴相對小飲悵然用陶淵明止酒詩韻
歡來能牽人一往不知止意行從所適銜杯菊花裡或
云點也狂復挾六七子夙逐晨曦興夕盼明蟾喜如此
有年歲蹉者遂忘起競茲駒隙陰成虧固其理憔悴愁

園花凋零感知已豈無杯中物獨御亦已矣歡往難追
尋憂至絕涯涘何能一哀樂縣解詢子祀

西礪明府早適東郊作次韻

初夏行江壩菱舍喜衝曉海光衝晞微迎抱入空皆交
阡効疆畎遠樹當郵表烝然麥氣潤迺爾田舍好銍父
已在眼閭閻幸可飽芸生託天工何以蕃庶草官官諒
無心事事詎爲擾

題聽香讀畫圖

聽香能得聲讀畫皆有句是於悟中空亦於空中悟一

以耳爲鼻一以目爲口寂照歸圓通根塵復何有菩薩
觀世音病夫聞蟻鬪違材而易務畢竟誰者謬我道香
非香亦知畫非畫一心超幻有耳目絕牽掛我詩亦非
詩君貌亦非貌相遇於空虛相視但一笑

梁芷林方伯以虎邱古鼎歌命和次原韻同西礪

明府作

宇宙文章倬閎麗書有六觀詩四際兼苞典詰雅頌遺
昭日回星吉金字宣和當年盛搜括飢餓餽列彛器
坐令儒生想復古摹形傳義煩勤志詩人一一矜訛新

筆挾雲雷吐奇氣好詩傳世每借題神物關天豈終秘
虎阜僧廬舊名勝辱廁肆屢苦底滯白虎氣盡魚腸飛
唐塔隋碑空位置此鼎何時出塵劫有似霜松壓茅橐
能行能息名自命文系以吳地吳地中丞選勝迨夏日
招客按圖閔山寺手撥灰竇辨青綠旁諏叢瑣求典記
太息顯晦爲長吟石鼓韓蘇豈殊致惟公奉職旣得理
業炳旂常名郇繼遴才真賞忘泥塗一器摩挲特其寄
久知從政如烹鮮若作和羹劑滄沸自昔明民先正名
力返敦龐謝茗翠點畫毫芒備研悉別白一是斟如識

玉鉉金耳登明堂
瓦甒康瓠不中吏
會使神奸無遁形
懸鏡虛堂櫛蓬鬚

帝曰銘功著萬萬
太乙臨爐電光掣
此山此鼎同不朽
合符詩書永年歲
時方伯方攝中丞

春寒曲

樓頭已報早春歸
檢點春衫上翠微
底事天公苦擔閣
不教花草鬪芳菲
園林何處尋花好
長安道上行人少
風信翻能勒衆香
霜痕作意噤題鳥
閨中少婦惜流光
不捲珠簾嬾下堂
倦繡卻嫌春晝永
遲眠但道漏聲長

漏長坐待蘭膏歇。蜀錦衾單寒刺骨。似剪吹來楊柳風。
相思怕見關山月。最是關山淪落人。紫懷愁緒不知春。
驢驢已典征裘薄。車鐸郎當夜向晨。

又

東風飄蕩來無邊。司冬未徹餘寒天。窻間遍抹圖九九。
檐闌韶光卻可憐。凌寒只有南枝影。春色幾分憑管領。
剪水仍封上苑桃。凍雲未放溪頭杏。枉教羅綺作春衣。
鳳城悄不見晴暉。弄瑟猶憐玉指冷。稱觴空憶鰕魚肥。
臨春宮中曉漏長。貪戀香衾慵洗妝。啼鳥殷勤猶帶澁。

釀花寂寞不聞香
長安道上遊人少
陰霧濛籠烟杳裊
春江水冷鴨自知
春圃花遲蜂未曉
無奈此時離別人
嫩紅瘦綠不勝情
渭城朝雨聽三疊
繡戶單衾怨五更
集陶詩題張荔門行看子

青松在東園
寒暑有代謝
冷然送餘善
佳人美清夜
懷此貞秀姿
試問采薪者
縱浪大化中
養真茹檐下

題趙四愚跨鹿圖

野趣天然閒
福性情真似
光風我識西
州高士人
疑南極仙翁

采芝何必采菊跨鹿佳於跨牛隨意入山深處小童携
籠尋搜

三千界內駒光七十年來塵垢從今一笑相逢某也請
從而後

題孫陶圃小嶰谷圖

俯仰有今古觸緒心養養繫昔壯盛年叨爲下蔡長同
人盡攢眉謂此實骯髒予方捧檄喜一割掾力助地瀕
淮與淝山水頗伉爽壽陽同城居彼特葱鬱象邑中賢
豪者時時共跌宕其間方薛蕭孫氏最雄敞吞之曾大

父祚業肇恢廣濱淮置別業選勝得幽曠我來雖少遲
高行固所仰卓爾君尊人保家吾有望暇得牽手遊芳
園間酬唱君家有季父傍淝業重創我已將去邑攜羣
特相訪平池二三畝亭榭四五勝是時秋氣深殘荷尙
孤朗置酒不能飲忽忽意惆悵屈指卅餘年郎君奮英
譙佐郡來中吳漕輓資弼亮履端幸在綏相見大惆悵
歷歷詢知故多半在泉壤人生信飄忽來日那可兩示
我斯園圖指點覺怱怱北鎖紫金山巖邑茲爲障其南
峯戢戢直走天子嶂西瞻接睥睨顧見東津舫此途我

熟經夙昔困塵鞅駭茲曠寰墟乃開花柳帳明瑟回空
波清華湛虛益高臺擬蠻凋蠹然起莽蒼館宇紛星羅
曲折出心匠掩藹入香國縱橫坐石丈慷慨爲我言營
此亦孟浪中當粗成時淮淝值交漲軒檻嗟平沉卉木
付泐漭幸能及暇日乃復舊來樣老夫聞此言啞然一
撫掌悲樂會有時成虧理无妄卽日杯酒歡卅年牽夢
想君今升天衢春事亦已上回頭三圍中轉眼百花墜
羣季盛嬉娛朋簪恣酣賞將無念遠人停觴致悵快圖
畫能隨身心神合孤往爲我謝父老子弟近何狀相從

負劍耕風期砥廉讓爲我問八公風月鎮無恙殷勤數
雞犬勿使遠飛放會見山嶰谷律呂奏和響威鳳高翺
翔令德自勉強幹濟了斯須林泉可安享當題獨樂園
爲我山水壯

題龍湫燕坐圖應韓芸叟師命

永嘉千里山所充謝客得者皆其庸名村以花山以鳥
中有矩諾羅尊者之靈宮唐僧貫休詩著語能清空雁
宕經行雲漠漠龍湫燕坐雨濛濛山僧全了此栖錫幾
輩遊屐穿雲封吾師露冕來絕壑開天容卽句寫奇境

別有真宰酬鴻蒙飛瀧濺瀑且帖息黑蜨欲舞紅蚪蟬
憶昔繡衣直指東甌東扶桑一枝初挂朝陽紅萑苻已
銷蟻賊藪鸛鷺未靜鼉鼉宮戈船下瀨亟命將斲旋剡
楫旁鳩工罄壑掄材嘯魑客然燈照作催豐饌又況漕
衣藉亭榭銀鏞滿獄多耕農吾師此時事旁午不遑暇
食遑從容爲雷爲電爲雲雨淵默幹運資神功陽開陰
闔燭光彩百流鹿鹿公猶龍自此旂常紀駿鴻百閩駱
越資帡幪友風子雨暢呼吸卷舒自在青天中卽今歸
去東山臥擁袖凝香真燕坐自古神龍見尾難收斂元

工固無我芝泥玉柳存鱗而潤物津枯歸咳唾胸次能
包佛海竟眼前不見靈湫大道遙廣莫壽莫量溶漾沖
虛物無挫宿正農祥會見求巖霖更爲蒼生賀

題賞碑圖

碑刻最唐人其初重歐褚孟師與醴泉舊拓渺何許矣
然梗梓谷珠玉竟出土其書法登善一一逞媚嫵傳之
數百年石已裂四五收藏及瑣碎有若珍璜瑪何處得
茲本毫髮不訾竄向來藏書家傳之亦有緒護以錦繡
段寶貴若定武繪圖已再三傳觀徧儔侶鄙人願有言

此物未爲古當求夏响嘯近則周石鼓鳥跡頡皇造籀
史六書祖飛騰盡變化曲直守規矩百籍由之通小學
以爲主餘事及鐘鼎橫斜別其部義理宏益深游藝茲
有輔區區王居士緇流一儉楚敬容彼何人奚足當齒
數主人蹶然笑妙處君未睹箴我以玩物喪志固其所
竊意真嗜古博觀先近取但於所見者慰我飢渴苦市
駿幸得骨駿至或堪詡于其所不見續當求而補賤子
恂然失君意一何膺便請自隗始稽求益水乳來風必
空谷來窠必枳枸會當斯冰上何止歐趙伍鳩葺乃叢

殘樹功必藝圃

題紅雪和尚雙林證道圖

昌黎送文暢喜其識文字而此兩苾芻乃識兄與弟既
知親天親卽非異端異黃蛇黑虎是何怪物蠻童魔女
是何怪色所証何道所說何法你道不聞不見已是翻
天倒地若道真實不虛認取兄兄弟弟

石田翁自題照予以爲沾滯次其韻爲偈言以廣
之

何者似何者真誰爲我誰爲人恒河沙中一萬劫塵一

微塵中各自有春莫問量大小莫較臉寬窄下德不失
德背後與前頭須與打穿壁橫三三豎三三有生在後
無生在前朝菌計日蟪蛄論年道通爲一吾何知焉交
食於地孰云其天我今六十八過去真茫然若問未來
者真常本完全黃帝內經莊子外篇箇中有我何爲佛
仙但得飽食終日居然博奕猶賢

嘉慶十八年三月予修報恩寺得天聖四年施錢
人名碑始知寺塔建於宋得此輒始知寺舊名
天聖院皆志乘所不載也輒質極密緞製硯以

授寺僧用備此寺掌故

何爲八萬四千法老僧肚皮黑漆漆現取自在月輪身
任汝自磨汝自說

題像

經師人師儒吏良吏以學澤已以道維世充然其容粹
然其氣巖廊江湖隨所位置式儀式穀惟爾後嗣

常小靜盤馬彎弓圖

寶馬憐神駿彫弓乍手柔壯懷知磊落家世本封侯用
已三冬足功還一發收要令文武具有筆未須投

題留松草堂詩鈔

舊是梁園地來皆著作才論交見賈馬染翰又鄒枚情
性溫柔在弦歌次第開無因從勝地暫得後生陪

節婦吟

小日諧靈匹居鳩就鵲巢髣髴悲我特翁姥久予膺粲
粲陟華代兢兢嫫媧教祇今真竹柏方長歲寒梢

題張抱翁

式自寫山居圖照

素懷何莽蒼幽興渺端倪澹穆川原際纓綈綿俯仰時投
畚萊子婦譽樹謝家兒筆墨町畦外其人伊可思

次韻石甫感懷之作

離迷那復辨朱藍牢繫真如銅石盒
雙眼睛睛長夜五
一身草草又春三
便思宿業從頭懺似此浮生有底貪
不是吞聲杜陵叟也教日日望城南

疊韻酬石甫

青幡何處訪精藍
鴨渚旁邊舊佛龕
直擬雲龍從孟六
可堪心事訴韋三
早知苦海愁難渡
悔煞邯鄲睡偶貪
總乏王陽點金術
新詩誰道抵雙南

呈吉甫丈用前韻

也是歸期賦采藍蕭然塵榻寄虛奩疎牖同有不堪七
饑餓遑云所去三書好却如新債逼醒多偏覺曉眠貪
一竿已入行圖裏早晚擎舟五瀉南

再用前韻貽芝房

此地真應號灑藍交柯古渡蔭苔奩案頭珠字幾千萬
指下金徽一十三客少泥他終日語才多覺此少年貪
歸時準辦魚樵計好作安豐董邵南

疊韻貽湘槎

莫問衣袍紫與藍霖雲那許久巖龕吏才張趙楊王五

慧辯驪牛黃馬三桃傍公門分地種芝歸藥籠盡人貪
相逢未有相酬句自愧耽思李偉南

疊韻答李寶之

萼破新紅葉點藍春風粧出小仙龕無心鈿局携雙陸
隨意花枝檢兩三咳唾玉塵聽不厭詩篇金粉看生食
珠簪玳瑁能遺贈枉說相思大海南

疊韻示小頗上人

綠樹初聞叫竊藍頴師近出辨公龕淨光欲印東坡百
指月應叅太白三未免逐羶成蟻慕便思釀蜜亦蜂食

卷一 詩集 二 名
不如妙總隨龍衆長誦摩訶訶南

自述用前韻

替戾岡音聽吠藍殷勤稽首寶蓮龕封侯數敢論奇偶
繫遁古猶揲九三肯放我隨梅福去任從人說伯夷貪
可憐一掬傷心淚灑向江流日夜南

嘉慶甲戌予以奉諱去官其明年以官事羈留皖江
時周石甫及吉甫丈同以奉諱留省垣石甫寓城南
某寺有沙彌小顛從之學詩時有唱和而芝房亦以
省侍在焉與盧洲槎明府及其幕下士李寶之往來

過從相善也石甫作感懷詩見示因次韻答之已而
遍及諸同人諸君亦相繼屬和屈指二十年矣予詩
久佚其稿芝房忽檢錄之屬余重書時吉甫丈及石
甫湘槎相繼下世小顛寶之不知復何狀獨芝房與
予作寒鳥相依耳追維往時樂樂棘人無端聚首坐
愁行歎都無好懷視此日舒心放意聊可自慰而一
念九原兩墜天涯星沉則又爲之潛焉出涕也時道
光十四年歲在甲午十月重錄訖因記其末

果勇楊侯寫孔子花於便面以貽鄧生守之予因

爲之題其背

不是凡花是劍花驚風驟雨勢橫斜將軍肯爲開生面
長託丹心閱歲華

小草出山皆遠志祇憐空谷閱佳人嵒巖麟閣何分別
同是丹青畫裏身

圍棋筒題詩

勁節朝辭渭水濱龍韜著手展風雲寂然收斂神功處
敢以空虛笑此君

塵風戰雨舊知名此老胸中有甲兵揮裏可曾留一子

只嫌黑白太分明

題金孝章同人投贈詩卷後

十六年中翰墨緣關心師友一凄然當時回首江關恨
也抵行吟麥秀篇

同時猿鶴是何人林下悠然寄此身剛道蓬萊水清淺
不知滄海已揚塵

可憐無計問行藏淚眼相看引一觴慚愧詩篇題甲子
不堪把玩是流光

漁隱圖

鑑湖一曲知無分
簞笠簑衣儘自由
覓箇樵青來盪槳
削竿青竹坐船頭

趙星衢照

綠楊灘畔乍停挈
知是筌中已得魚
一遽晚風初弄罷
北窻高卧比何如

此地

此地科名幸接連
風流日不及前賢
稽經已老申輓侶
染翰誰如鮑謝鮮

輓辛筠谷學使

九派西江濶羣星北斗垂學徵千軸富人是五經師翔
步登青瑣鳴珂集鳳池篇章三代繼幹濟九重知烏府
邀榮後黃門拜詔時丹誠抒素願白簡肅彤墀陶汰官
階肅均平馬政治經文甄典冊緯武靜熊羆

天語頻番獎皇華歷碌馳冤清益詎覆明燭鏡無私星
使瞻旄節卿雲擁翠旂冰壺懸自朗藻鑑孰能欺節表
熒發苦恩先成黨施庚郵金卻魄丙夜卷猶披宗伯和
三禮天官首六司鹽梅方待和藥餌遽難持騎尾天邊
路遊仙夢裡詩貞珉從此壽奕禩仰豐碑

前題

節並匡廬峻胸如彭蠡寬口碑存直道人望重詞壇
聖眷三朝被公忠一念殫身騎箕尾去星斗夜光寒
使節欣來止銘旌痛遽行冰心傳舊德水鏡頌神明才
屢單寒拔風惟兩袖清三吳式遺愛執紼挽同聲

金針憑造士玉尺仗量才詎意騎鯨去何時化鶴來槎
浮星漢沒風急薤歌哀幸有名駒在文章接上台
典型今已邈諫草永流芳空酒門墻淚均沾翰墨香陶
甄澄水鏡慘淡隕星芒此日騎箕尾還應返帝鄉

作人宣雅化齊魯及句吳一代文章備三年政澤敷
栽培恥立裁抑梗頑無士氣爭身後方知教固殊
一路春風疾餘恩到處留共悲頽秦嶽何止痛西州奏
牘光香簡文章重玉樓江蘋馨可薦千載仰風流

前題

詩讖無端應夢中此時攀慕意何窮關心民瘼敷陳切
一體儒酸痛癢同學海津涯寒逝水公門桃李泣春風
緣知歸路原蓬閩海島先營白傅宮

淼淼江流接豫章恩波懷溯與俱長倚才汲汲崇根本

議政拳拳整大綱每念鹽車矜跡地頻頒華表表窮孀
祝公便作芙蓉主君阜廬山共飫香

公去靈風滿素旂公來桃李遍江湄天工付物原因物
化雨無私却有私屬纊尙然憐白屋抗章曾與達彤墀
春深山畔清明節歲歲孤寒下淚時

秉心侃直度淵冲當代名臣望譽隆仁惠何慚公義冑
清廉饒有次膺風作人功在文詞外報國情殷奏議中
此日素旄江上路愁雲黯淡霧空濛

清操峻節日嵯峨豈藉攀援與揣摩救弊補偏思慮遠

淳澆激薄性真多論文風暖言爲典抗疏霜寒語不磨
宇宙大名知久在典型哀謝欲如何

前題

間氣鍾名世膺期誕哲人趨朝承

帝屢憂

國問民頻利濟交方泰明良德有鄰匡時謨自矢報

主志先純翼翼丹衷啟平平正道醇懷忠貫金石挺節
勵松筠事建無前烈心勞獨運神藝林欽軌範文苑荷
陶甄丰采初瞻日幽遐共樂春惠風能滌盪和氣已紛

綸振刷奚其盛吹噓屈者伸方嚴神穆穆誘掖意諄諄
苗莠無教穢弓馳詎足論法行民志定道直世風淳
色原難悅溫言更可親大江同潤澤崧嶽共嶙峋方祝
綿純淑何圖昧佑仁貯甌遲卜相騎尾遠登真國士漸
桃李明馨薦藻蘋他年崇俎豆教澤被無垠

養一齋詩集卷第八